

TI' ASSUNTA

Sa notte est ciara e pasida
in custu saltu 'e luna
ti' Assunta s'istat
innanti a battor brajas
irranende
rosarios de miseria
memulende
orassiones de bistentu.
S'adde muda, a bucca 'e riu
muilat.
Su fustealvu, mantesu a sa funtana
ojat e tentat
chi anima si tucchet
e frimmet in more sua.
Sun incrannidas sas coas de s'adde
arregotados sos coros, su bistentu.
Ti' Assunta irranat a longu
sa corona eterna 'e su tempus
e semenat
trigu e ranu, bentu e ranzoħa
peri sas tancas chi lacanan coiles
e chi aggiummai
no esistin pius.

Veronies

GIOVANNA ELIES
OSILO